

Hoyto Tomake Lyrics in Bengali

হয়তো তোমাকে আরো ভালোবাসা যেত
যেমন আগুন বাসে কুসুমের মতো,
গেলনা কারণ খুঁজে হয়নি তো দেখা
পারিকি না পারি এই সন্দেহে একা।
হয়তো তোমাকে আরো ভালোবাসা যেত।।

কেন কেন মনে হবে তুমি চলে গেলে
এভাবে হতো না শেষ ভালোবাসা পেলে,
কেন কেন মনে হবে তুমি চলে গেলে
এভাবে হতো না শেষ ভালোবাসা পেলে,
আরও কাছে আসা যেত হাতে হাত রেখে
পারিকি না পারি সেই সন্দেহ থেকে।
হয়তো তোমাকে আরও ভালোবাসা যেত।।

প্রতিটি কথার শেষে কেন মনে হয়
এই থেমে যাওয়া তবু শেষ কথা নয়,
প্রতিটি কথার শেষে কেন মনে হয়
এই থেমে যাওয়া তবু শেষ কথা নয়,
ঠোঁটের আদর দিলে সেই নীরবতা
হয়তো জন্ম দিতো ফের কোনো কথা।

যা কিছু হলো না বলা রেখে এই গানে
তোমাকে ডাকছি শাঁখে ভোরের আজানে,
যা কিছু হলো না বলা রেখে এই গানে
তোমাকে ডাকছি শাঁখে ভোরের আজানে,
আমার সকল কালো আলো দিয়ে ধুতে
চলেছে গানের তরী তোমাকেই ছুঁতে।

হয়তো তোমাকে আরো ভালোবাসা যেতো
যেমন আগুন বাসে কুসুমের মতো,
গেলনা কারণ খুঁজে হয়নি তো দেখা
পারিকি না পারি এই সন্দেহে একা।
হয়তো তোমাকে আরো ভালোবাসা যেত।।